

元

史

四
十

列傳卷第十五

元史一百二十八

纂學玉叟夫知心諳兼修國史臣宋濂翰林待制奉直郎同知制誥兼國史院編修官星主纂著奉

勅修

阿术

阿术元良氏都帥兀良合台子也沉幾有智略臨陣勇決氣蓋萬人憲宗時從其父征西南夷率精兵爲候騎所向摧陷莫敢當其鋒至平大理克諸部降交趾無不在行事見兀良合台傳憲宗嘗勞之曰阿术未有名位挺身奉國特賜黃金三百兩以勉將來世祖即位留典宿衛中統三年從諸王拜出帖哥征李

璮有功九月自宿衛將軍拜征南都元帥治兵于汴復立宿州至元元年八月略地兩淮攻取戰獲軍聲大振四年八月觀兵襄陽遂入南郡取饅人鐵城等柵俘生口五萬軍還宋兵邀襄樊間阿术乃自安陽灘濟江留精騎五千陣牛心嶺復立虛寨設疑火夜半敵果至斬首萬餘級初阿术過襄陽駐馬虎頭山指漢東白河口曰若築壘於此襄陽糧道可斷也五年遂築鹿門新城等堡繼又築臺漢水中與夾江堡相應自是宋兵援襄者不能進六年七月大霖雨漢水溢宋將夏貴范文虎相繼率兵來援復分兵出入

東岸林谷間阿术謂諸將曰此張虛形不可與戰宜整舟師備新堡諸將從之明日宋兵果趨新堡大破之殺溺生擒五千餘人獲戰船百餘艘於是治戰船教水軍築圍城以逼襄陽文虎復率舟師來救來興國又以兵百艘侵百丈山前後邀擊於湍灘俱敗走之九年三月破樊城外郛增築重圍以逼之宋裨將張順張貴裝軍衣百船自上流入襄陽阿术攻之順死貴僅得入城俄乘輪船順流東走阿术與元帥劉整分泊戰船以待燃薪照江兩岸如晝阿术追戰至櫃門關擒貴餘衆盡死是年九月加同平章事先是

襄樊兩城漢水出其間宋兵植木江中聯以鐵鎖中
造浮梁以通援兵樊恃此爲固至是阿术以機鋸斷
木以斧斷鎖焚其橋襄兵不能援十二月遂拔樊城
襄守將呂文煥懼而出降十年七月奉命略淮東抵
揚州城下宋以千騎出戰阿术伏兵道左佯北宋兵
逐之伏發擒其騎將王都統十一年正月入覲與參
政阿里海牙奏請伐宋帝命相臣議久不決阿术進
曰臣久在行間備見宋兵弱於往昔失今不取時不
再來帝即可其奏詔益兵十萬與丞相伯顏參政阿
里海牙等同伐宋三月進平章政事秋九月師次郢

之鹽山得俘民言宋沿江九郡精銳盡聚郢江東西
兩城今舟師出其間騎兵不得護岸此危道也不若
取黃家灣堡東有河口可由其中拖船入湖轉以下
江爲便從之遂舍攻郢而去行大澤中忽宋騎兵千
人突至時從騎纔數十人阿术即奮槊馳擊所向畏
避追斬五百餘級生擒其將趙范二統制進攻沙洋
新城拔之前次復州守將翟貴迎降時夏貴鎖大艦
扼江漢口兩岸備禦堅嚴阿术用軍將馬福計回舟
淪河口穿湖中從陽羅堡西沙蕪口入大江十二月
軍至陽羅堡攻之不克阿术謂伯顏曰攻城下策也

若分軍船之半循岸西上對青山磯止泊伺隙擣虛
可以得志從之明日阿术遙見南岸沙洲即率衆趨
之載馬後隨宋將程鵬飛來拒大戰中流鵬飛敗走
諸軍抵沙洲急擊攀岸步闔開而復合者數四敵小
却出馬於岸遂力戰破之追擊至鄂東門而還夏貴
聞阿术飛渡大驚引麾下兵三百艘先遁餘皆潰走
遂拔陽羅堡盡得其軍實伯顏議師所向或欲先取
蘄黃阿术曰若赴下流退無所據上取鄂漢雖遲旬
日師有所依可以萬全已未水陸並趨鄂漢焚其船
三千艘煙燄漲天漢陽鄂州大恐相繼皆降十二年

正月黃蘄江州降阿术率舟師趨安慶范文虎迎降
繼下池州宋丞相賈似道擁重兵拒蕪湖遣宋京來
請和伯顏謂阿术曰有詔令我軍駐守何如阿术曰
若釋似道而不擊恐已降州郡今夏難守且宋無信
方遣使請和而又射我軍船執我邏騎今日惟當進
兵事若有失罪歸於我二月辛酉師次丁家洲遂與
宋前鋒孫虎臣對陣夏貴以戰艦二千五百艘橫亘
江中似道將兵殿其後時已遣騎兵夾岸而進兩岸
樹砲擊其中堅宋軍陣動阿术挺身登舟手自持旆
突入敵陣諸軍繼進宋兵遂大潰以上詳見伯顏傳

世祖以宋重兵皆駐揚州臨安倚之爲重四月命阿
术分兵圍守揚州庚申次真州敗宋兵于珠金沙斬
首二千餘級既抵揚州乃造樓櫓戰具于瓜洲漕粟
于真州樹柵以斷其糧道宋都統姜才領步騎二萬
來攻柵敵軍夾河爲陣阿术麾騎士渡河擊之戰數
合堅不能却衆軍佯北才逐之遂奮而回擊萬矢雨
集才軍不能支擒其副將張林斬首萬八千級七月
庚午宋兩淮鎮將張世傑孫虎臣以舟師萬艘駐焦
山東每十船爲一舫聯以鐵鎖以示必死阿术登石
公山望之舳艤連接旌旗蔽江曰可燒而走也遂選

強健善射者千人載以巨艦分兩翼夾射阿术居中
合勢進擊繼以火矢燒其蓬檣煙燄漲天宋兵既碇
舟死戰至是欲走不能前軍爭赴水死後軍散走追
至圖山獲黃白鷁船七百餘艘自是宋人不復能軍
矣十月詔拜中書左丞相仍諭之曰淮南重地李庭
芝狡詐須鄉守之時諸軍進取臨安阿术駐兵瓜洲
以絕揚州之援伯顏所以兵不血刃而平宋者阿术
控制之力爲多十三年二月夏貴舉淮西諸城來附
阿术謂諸將曰今宋已亡獨庭芝未下以外助猶多
故也若絕其聲援塞彼糧道尚恐東走通泰逃命江

海乃柵揚之西北丁村以扼其高郵寶應之餽運貯
粟灣頭堡以備捍禦留屯新城以逼泰州又遣千戶
伯顏察兒率甲騎三百助灣頭兵勢且戒之曰庭芝
水路既絕必從陸出宜謹備之如丁村烽起當首尾
相應斷其歸路六月甲戌姜才知高郵米運將至果
夜出步騎五千犯丁村柵至曉伯顏察兒來援所將
皆阿术牙下精兵旗幟盡雙赤月衆軍望其塵連呼
曰丞相來矣宋軍識其旗皆遁才脫身走追殺騎兵
四百步卒免者不滿百人壬辰李庭芝以朱煥守揚
州挾姜才東走阿术率兵追襲殺步卒千人庭芝僅

入泰州遂築壘以守之七月乙巳朱煥以揚州降乙卯泰州守將孫良臣開北門納降執李庭芝姜才奉命戮揚州市揚泰既下阿朮申嚴士卒禁暴掠有武衛軍校掠民二馬即斬以徇兩淮悉平得府二州二十二軍四縣六十七九月辛酉入見世祖於大明殿陳宋俘第功行賞寶封泰興縣二千戶二十三年受命北伐叛王昔刺木等明年凱旋繼又西征至哈刺霍州以疾卒年五十四追封河南王

阿里海牙

阿里海牙畏吾兒人也初生胞中剖而出其父以爲

不祥將棄之母不忍比長果聰辨有膽略家貧嘗躬耕舍未嘆曰大丈夫當立功朝廷何至效細民事畎畝乎去求其國書讀之逾月又棄去用薦者得事世祖于潛邸世祖即位漸見擢用由左右司郎中遷參議中書省事至元二年立諸路行中書省進僉河南行省事五年命與元帥阿术劉整取襄陽又加參知政事始帝遣諸將命母攻城但圍之以俟其自降乃築長圍起萬山包百丈楚山盡鹿門以絕之宋兵入援者皆敗去然城中糧儲多圍之五年終不下九年二月破樊城外郛其將復閉內城守阿里海牙以爲

襄陽之有樊城猶齒之有唇也宜先攻樊城樊城下
則襄陽可不攻而得乃入奏帝始報可會有西域人
亦思馬因獻新礮法因以其人來軍中十年正月爲
礮攻樊破之先是宋兵爲浮橋以通襄陽之援阿里
海牙發水軍焚其橋襄援不至城乃拔詳具阿木傳
阿里海牙既破樊移其攻具以向襄陽一礮中其譙
樓聲如雷霆震城中城中洶洶諸將多踰城降者劉
整欲立碎其城執文煥以快其意阿里海牙獨不欲
攻乃身至城下與文煥語曰君以孤軍城守者數年
今飛鳥路絕主上深嘉汝忠若降則尊官厚祿可必

得決不殺汝也文煥狐疑未決又折矢與之擧如是
者數四文煥感而出降遂與入朝帝以文煥爲昭勇
大將軍侍衛親軍都指揮使襄漢大都督阿里海牙
行荆湖等路樞密院事鎮襄陽阿里海牙奏曰襄陽
自昔用武之地也今天助順而克之宜乘勝順流長
驅宋可必平平章阿术亦贊其說帝命丞相史天澤
議之天澤曰朝廷若遣重臣如丞相安童同知樞密
院事伯顏者一人都督諸軍則四海混同可立待也
帝曰伯顏可乃大徵兵拜伯顏爲行中書省左丞相
阿术爲平章阿里海牙進行省右丞賞鈔二百錠十

一年九月會師襄陽遂破郢州及沙洋新城十二月
師出沙蕪口宋制置夏貴守諸隘甚固阿里海牙麾
兵攻武磯堡貴趨援之阿术遂以兵西渡青山磯宋
都統程鵬飛來迎戰敗之江中會貴兵亦敗走廬州
宣撫朱楨孫夜遁還江陵知郢州張晏然以城降鵬
飛以本軍降伯顏與諸將會郢城下議曰郢襟山帶
江江南之要區也且兵糧皆備今蜀江陵岳郢皆未
下不以一大將鎮撫之上流一動則郢非我有也乃
以兵四萬遣阿里海牙戍郢而與阿术將大兵以東
阿里海牙集鄂民宣上德惠禁將士毋侵掠其下恐

懼無敢取民之菜者民大悅遣人徇壽昌信陽德安
諸郡皆下進徇江陵十有二年春三月與安撫高世
傑兵遇巴陵命張榮實擣其中堅解汝楫率諸翼兵
左右角之世傑敗走追降之于桃花灘遂下岳州四
月至沙市城不下縱火攻之沙市立破宣撫朱祺孫
制置高達恐即以城降乃入江陵釋係囚放戍券軍
除其徭賦及法令之繁細者傳檄郢歸峽常德澧隨
辰沅靖復均房施荆門及諸洞無不降者盡奏官其
所降官以兵守峽籍其戶口財賦來上帝喜大宴三
日語近臣曰伯顏兵東阿里海牙以孤軍戍郢朕甚